

佛說阿彌陀經  
金剛般若波羅蜜經

眾佛弟子  
佛敎道合園  
贈



香讚

次〈普門品〉：一頁  
序〈行願品〉：二十九頁

爐香乍爇 法界蒙熏 諸佛海會 悉遙聞

隨處結祥雲 誠意方殷 諸佛現全身

南無香雲蓋菩薩摩訶薩 三稱

稱聖號

南無本師釋迦牟尼佛 三稱

開經偈

無上甚深微妙法 百千萬劫難遭遇

我今見聞得受持 願解如來真實義

妙法蓮華經觀世音菩薩普門品

姚秦三藏法師鳩摩羅什譯

爾時無盡意菩薩。即從座起。偏袒右肩。  
。合掌向佛而作是言。世尊。觀世音菩  
薩以何因緣、名觀世音。佛告無盡意菩  
薩。善男子。若有無量百千萬億衆生、  
受諸苦惱。聞是觀世音菩薩。一心稱名  
。觀世音菩薩即時觀其音聲。皆得解脫  
。若有持是觀世音菩薩名者。設入大火  
。火不能燒。由是菩薩威神力故。若爲

大水所漂。稱其名號。即得淺處。若有  
百千萬億衆生。爲求金、銀、琉璃、磑  
磑、瑪瑙、珊瑚、琥珀、眞珠、等寶。  
入於大海。假使黑風吹其船舫。飄墮羅  
刹鬼國。其中若有乃至一人。稱觀世音  
菩薩名者。是諸人等。皆得解脫羅刹之  
難。以是因緣。名觀世音。若復有人臨  
當被害。稱觀世音菩薩名者。彼所執刀  
杖、尋段段壞而得解脫。若三千大千國  
土。滿中夜叉、羅刹。欲來惱人。聞其

稱觀世音菩薩名者。是諸惡鬼、尚不能以惡眼視之。況復加害。設復有人。若有罪、若無罪。杻械枷鎖檢繫其身。稱觀世音菩薩名者。皆悉斷壞。即得解脫。若三千大千國土、滿中怨賊。有一商主。將諸商人。齎持重寶、經過險路。其中一人作是唱言。諸善男子、勿得恐怖。汝等應當一心稱觀世音菩薩名號。是菩薩能以無畏施於衆生。汝等若稱名者。於此怨賊、當得解脫。衆商人聞。

俱發聲言、南無觀世音菩薩。稱其名故。  
。即得解脫。無盡意。觀世音菩薩摩訶  
薩威神之力、巍巍如是。若有衆生多於  
淫欲。常念恭敬觀世音菩薩。便得離欲  
。若多瞋恚。常念恭敬觀世音菩薩。便  
得離瞋。若多愚癡。常念恭敬觀世音菩  
薩。便得離癡。無盡意。觀世音菩薩有  
如是等大威神力。多所饒益。是故衆生  
常應心念。若有女人、設欲求男。禮拜  
供養觀世音菩薩。便生福德智慧之男。

設欲求女。便生端正有相之女。宿植德本。衆人愛敬。無盡意。觀世音菩薩有如是力。若有衆生恭敬禮拜觀世音菩薩。福不唐捐。是故衆生皆應受持觀世音菩薩名號。無盡意。若有人受持六十二億恆河沙菩薩名字。復盡形供養飲食衣服臥具醫藥。於汝意云何。是善男子善女人功德多否。無盡意言。甚多。世尊。佛言。若復有人受持觀世音菩薩名號。乃至一時禮拜供養。是二人福、正等。

無異。於百千萬億劫、不可窮盡。無盡  
意。受持觀世音菩薩名號。得如是無量  
無邊福德之利。無盡意菩薩白佛言。世  
尊。觀世音菩薩云何遊此娑婆世界。云  
何而爲衆生說法。方便之力。其事云何  
。佛告無盡意菩薩。善男子。若有國土  
衆生、應以佛身得度者。觀世音菩薩即  
現佛身而爲說法。應以辟支佛身得度者  
。即現辟支佛身而爲說法。應以聲聞身  
得度者。即現聲聞身而爲說法。應以梵

王身得度者。即現梵王身而爲說法。應以帝釋身得度者。即現帝釋身而爲說法。應以自在天身得度者。即現自在天身而爲說法。應以大自在天身得度者。即現大自在天身而爲說法。應以天大將軍身得度者。即現天大將軍身而爲說法。應以毘沙門身得度者。即現毘沙門身而爲說法。應以小王身得度者。即現小王身而爲說法。應以長者身得度者。即現長者身而爲說法。應以居士身得度者。

即現居士身而爲說法。應以宰官身得度者。即現宰官身而爲說法。應以婆羅門身得度者。即現婆羅門身而爲說法。應以比丘、比丘尼、優婆塞、優婆夷身得度者。即現比丘、比丘尼、優婆塞、優婆夷身而爲說法。應以長者、居士、宰官、婆羅門、婦女身得度者。即現婦女身而爲說法。應以童男、童女身得度者。即現童男、童女身而爲說法。應以天、龍、夜叉。乾闥婆、阿修羅、迦樓羅

、緊那羅、摩睺羅伽、人、非人等身得  
度者。即皆現之而爲說法。應以執金剛  
神得度者。即現執金剛神而爲說法。無  
盡意。是觀世音菩薩成就如是功德。以  
種種形、遊諸國土。度脫衆生。是故汝  
等應當一心供養觀世音菩薩。是觀世音  
菩薩摩訶薩。於怖畏急難之中、能施無  
畏。是故此娑婆世界、皆號之爲施無畏  
者。無盡意菩薩白佛言。世尊。我今當  
供養觀世音菩薩。即解頸衆寶珠瓔珞、

價值百千兩金、而以與之。作是言。仁  
者受此法施珍寶瓔珞。時觀世音菩薩不  
肯受之。無盡意復白觀世音菩薩言。仁  
者愍我等故。受此瓔珞。爾時佛告觀世  
音菩薩。當愍此無盡意菩薩及四衆、天  
、龍、夜叉、乾闥婆、阿修羅、迦樓羅  
、緊那羅、摩睺羅伽、人、非人等故。  
受是瓔珞。即時觀世音菩薩愍諸四衆、  
及於天、龍、人、非人等。受其瓔珞。  
分作二分。一分奉釋迦牟尼佛。一分奉

多寶佛塔。無盡意。觀世音菩薩有如是自在神力。遊於娑婆世界。爾時無盡意菩薩以偈問曰。

世尊妙相具。我今重問彼。  
佛子何因緣。名爲觀世音。  
具足妙相尊。偈答無盡意。  
汝聽觀音行。善應諸方所。  
弘誓深如海。歷劫不思議。  
侍多千億佛。發大清淨願。  
我爲汝略說。聞名及見身。

心念不空過。能滅諸有苦。  
假使興害意。推落大火坑。  
念彼觀音力。火坑變成池。  
或漂流巨海。龍魚諸鬼難。  
念彼觀音力。波浪不能沒。  
或在須彌峰。爲人所推墮。  
念彼觀音力。如日虛空住。  
或被惡人逐。墮落金剛山。  
念彼觀音力。不能損一毛。  
或值怨賊繞。各執刀加害。

念彼觀音力。咸即起慈心。  
或遭王難苦。臨刑欲壽終。  
念彼觀音力。刀尋段段壞。  
或囚禁枷鎖。手足被杻械。  
念彼觀音力。釋然得解脫。  
呪詛諸毒藥。所欲害身者。  
念彼觀音力。還著於本人。  
或遇惡羅刹。毒龍諸鬼等。  
念彼觀音力。時悉不敢害。  
若惡獸圍繞。利牙爪可怖。

念彼觀音力。疾走無邊方。  
虬蛇及蝮蠍。氣毒煙火然。  
念彼觀音力。尋聲自回去。  
雲雷鼓掣電。降雹澍大雨。  
念彼觀音力。應時得消散。  
衆生被困厄。無量苦逼身。  
觀音妙智力。能救世間苦。  
具足神通力。廣修智方便。  
十方諸國土。無刹不現身。  
種種諸惡趣。地獄鬼畜生。

生老病死苦。以漸悉令滅。  
真觀清淨觀。廣大智慧觀。  
悲觀及慈觀。常願常瞻仰。  
無垢清淨光。慧日破諸闇。  
能伏災風火。普明照世間。  
悲體戒雷震。慈意妙大雲。  
澍甘露法雨。滅除煩惱燄。  
諍訟經官處。怖畏軍陣中。  
念彼觀音力。衆怨悉退散。  
妙音觀世音。梵音海潮音。

勝彼世間音。是故須常念。  
念念勿生疑。觀世音淨聖。  
於苦惱死厄。能爲作依怙。  
具一切功德。慈眼視衆生。  
福聚海無量。是故應頂禮。

爾時持地菩薩即從座起。前白佛言。世  
尊若有衆生聞是觀世音菩薩品自在之業  
、普門示現神通力者。當知是人功德不  
少。佛說是普門品時。衆中八萬四千衆  
生、皆發無等等阿耨多羅三藐三菩提心

般若波羅蜜多心經

觀自在菩薩。行深般若波羅蜜多時。照見五蘊皆空。度一切苦厄。舍利子。色不異空。空不異色。色即是空。空即是色。受想行識。亦復如是。舍利子。是諸法空相。不生不滅。不垢不淨。不增不減。是故空中無色。無受想行識。無眼耳鼻舌身意。無色聲香味觸法。無眼

界。乃至無意識界。無無明。亦無無明  
盡。乃至無老死。亦無老死盡。無苦集  
滅道。無智亦無得。以無所得故。菩提  
薩埵。依般若波羅蜜多故。心無罣礙。  
無罣礙故。無有恐怖。遠離顛倒夢想。  
究竟涅槃。三世諸佛。依般若波羅蜜多  
故。得阿耨多羅三藐三菩提。故知般若  
波羅蜜多。是大神咒。是大明咒。是無  
上咒。是無等等咒。能除一切苦。真實  
不虛。故說般若波羅蜜多咒。即說咒曰

。揭諦揭諦。波羅揭諦。波羅僧揭諦。  
。菩提薩婆訶。

大悲咒

南無喝囉怛那。哆囉夜哪。南無阿唎哪  
。婆盧羯帝。鑠鉢囉哪。菩提薩哆娑哪  
。摩訶薩哆婆哪。摩訶迦盧尼迦哪。唵  
。薩皤囉罰曳。數怛那寫。南無悉吉  
利埵伊蒙阿唎哪。婆盧吉帝。室佛囉楞  
馱婆。南無那囉謹墀。醯利摩訶皤哆沙

咩。薩婆阿他豆輸朋。阿逝孕。薩婆薩  
哆。那摩婆薩哆。那摩婆伽。摩罰特豆  
。怛姪他。唵阿婆盧醯。盧迦帝。迦羅  
帝。夷醯唎。摩訶菩提薩埵。薩婆薩婆  
。摩囉摩囉。摩醯摩醯唎馱孕。俱盧俱  
盧羯蒙。度盧度盧罰闍唎。摩訶罰闍  
唎帝。陀囉陀囉。地利尼。室佛囉唎。  
遮囉遮囉。摩摩罰摩囉。穆帝嚩。伊醯  
伊醯。室那室那。阿囉唎。佛囉舍利。  
罰沙罰參。佛囉舍耶。呼嚧呼嚧摩囉。

呼噓呼噓醯利。娑囉娑囉。悉利悉利。  
蘇噓蘇噓。菩提夜。菩提夜。菩馱夜。  
菩馱夜彌帝利夜。那囉謹墀。地利瑟尼  
那。波夜摩那娑婆訶。悉陀夜。娑婆訶  
。摩訶悉陀夜。娑婆訶。悉陀喻藝。室  
皤囉耶。娑婆訶。那囉謹墀。娑婆訶。  
摩囉那囉。娑婆訶。悉囉僧阿穆佉耶。  
娑婆訶。娑婆摩訶阿悉陀夜。娑婆訶。  
者吉囉阿悉陀夜。娑婆訶。波陀摩羯悉  
哆夜。娑婆訶。那囉謹墀。皤伽囉哪。

娑婆訶。摩婆利勝羯囉夜。娑婆訶。南  
無喝囉怛那哆囉夜哪。南無阿唎哪。婆  
嚧吉帝。爍皤囉夜。娑婆訶。唵。悉殿  
都。漫哆囉。跋陀耶。娑婆訶。

觀音大士讚

觀音大士 悉號圓通 十二大願誓弘深  
苦海渡迷津 救苦尋聲 無刹不現身  
普門示現 救苦尋聲 慈悲說法度迷津  
隨步布連城 四海清寧 八唯証無生

觀音妙法浩無邊  
大海潮音萬衆宣  
法相光中功德滿  
定看舌上吐青蓮

南無號圓通名自在。  
觀音如來廣發弘誓願。

南無一念心無罣礙。  
觀音如來常居南海願。

南無住娑婆幽冥界。  
觀音如來尋聲救苦願。

南無降邪魔除妖怪。  
觀音如來能除危險

願。

南無清淨瓶垂楊柳。觀音如來甘露灑心

願。

南無大慈悲能喜捨。觀音如來常行平等

願。

南無晝夜巡無損壞。觀音如來誓滅三塗

願。

南無望南巖勤禮拜。觀音如來枷鎖解脫

願。

南無造法船遊苦海。觀音如來度盡衆生

南無前幢幡後寶蓋。觀音如來接引西方  
願。願。

南無無量壽佛境界。觀音如來彌陀受記  
願。

南無端嚴身無比。觀音如來果脩十二  
願。

大方廣佛華嚴經入不思議解脫境界普賢  
行願品

爾時普賢菩薩摩訶薩。稱歎如來勝功德

已。告諸菩薩。及善財言。善男子。如  
來功德。假使十方一切諸佛。經不可說  
。不可說。佛刹極微塵數劫。相續演說  
。不可窮盡。若欲成就此功德門。應修  
十種廣大行願。何等爲十。一者禮敬諸  
佛。二者稱讚如來。三者廣脩供養。四  
者懺悔業障。五者隨喜功德。六者請轉  
法輪。七者請佛住世。八者常隨佛學。  
九者恒順眾生。十者普皆迴向。善財白  
言。大聖。云何禮敬。乃至迴向。普賢

菩薩告善財言。善男子。言禮敬諸佛者。  
。所有盡法界。虛空界。十方三世一切  
佛刹極微塵數諸佛世尊。我以普賢行願  
力故。深心信解。如對目前。悉以清淨  
身語意業。常脩禮敬。一一佛所。皆現  
不可說。不可說。佛刹極微塵數身。一  
一身遍禮不可說。不可說。佛刹極微塵  
數佛。虛空界盡。我禮乃盡。以虛空界  
不可盡故。我此禮敬無有窮盡。如是乃  
至眾生界盡。眾生業盡。眾生煩惱盡。

我禮乃盡。而眾生界。乃至煩惱無有盡  
故。我此禮敬無有窮盡。念念相續。無  
有間斷。身語意業。無有疲厭。  
復次。善男子。言稱讚如來者。所有盡  
法界。虛空界。十方三世一切剎土。所  
有極微。一一塵中。皆有一切世間極微  
塵數佛。一一佛所。皆有菩薩海會圍遶  
。我當悉以甚深勝解。現前知見。各以  
出過辯才天女微妙舌根。一一舌根。出  
無盡音聲海。一一音聲。出一切言詞海。

。稱揚讚歎一切如來諸功德海。窮未來際。相續不斷。盡於法界。無不周徧。如是虛空界盡。眾生界盡。眾生業盡。眾生煩惱盡。我讚乃盡。而虛空界。乃至煩惱。無有盡故。我此讚歎無有窮盡。念念相續。無有間斷。身語意業。無有疲厭。有復次。善男子。言廣脩供養者。所有盡法界。虛空界。十方三世一切佛刹極微塵中。一一各有一切世界。極微塵數佛

。一一佛所。種種菩薩海會圍遶。我以  
普賢行願力故。起深信解。現前知見。  
悉以上妙諸供養具。而爲供養。所謂華  
雲。鬘雲。天音樂雲。天傘蓋雲。天衣  
服雲。天種種香。塗香。燒香。末香。  
如是等雲。一一量如須彌山王。燃種種  
燈。酥燈。油燈。諸香。油燈。一一燈  
炷。如須彌山。一一燈油。如大海水。  
以如是等諸供養具。常爲供養。善男子  
。諸供養中。法供養最。所謂如說脩行

供養。利益眾生供養。攝受眾生供養。  
代眾生苦供養。勤脩善根供養。不捨菩  
薩業供養。不離菩提心供養。善男子。  
如前供養無量功德。比法供養。一念功  
德。百分不及一。千分不及一。百千俱  
胝那由他分。迦羅分。算分。數分。喻  
分。優婆尼沙陀分。亦不及一。何以故  
。以諸如來尊重法故。以如說行。出生  
諸佛故。若諸菩薩行法供養。則得成就  
供養如來。如是脩行。是真供養故。此

廣大最勝供養。虛空界盡。眾生界盡。眾生業盡。眾生煩惱盡。我供乃盡。而虛空界。乃至煩惱不可盡故。我此供養。亦無有盡。念念相續。無有間斷。身語意業。無有疲厭。復次。善男子。言懺除業障者。菩薩自念。我於過去無始劫中。由貪瞋癡。發身口意。作諸惡業。無量無邊。若此惡業有體相者。盡虛空界不能容受。我今悉以清淨三業。徧於法界極微塵刹。一

切諸佛菩薩眾前。誠心懺悔。後不復造。  
。恆住淨戒。一切功德。如是虛空界盡。  
。眾生界盡。眾生業盡。眾生煩惱盡。  
我懺乃盡。而虛空界。乃至眾生煩惱。  
不可盡故。我此懺悔。無有窮盡。念念  
相續。無有間斷。身語意業。無有疲厭。  
。復次。善男子。言隨喜功德者。所有盡  
法界。虛空界。十方三世一切佛刹。極  
微塵數諸佛如來。從初發心。爲一切智

。勤脩福聚。不惜身命。經不可說。不可說。佛刹極微塵數劫。一一劫中。捨不可說。不可說。佛刹極微塵數頭目手足。如是一切難行苦行。圓滿種種波羅蜜門。證入種種菩薩智地。成就諸佛無上菩提。及般涅槃。分布舍利。所有善根。我皆隨喜。及彼十方一切世界。六趣四生。一切種類。所有功德。乃至一塵。我皆隨喜。十方三世。一切聲聞。及辟支佛。有學無學。所有功德。我皆

隨喜。一切菩薩。所脩無量難行苦行。  
志求無上正等菩提。廣大功德。我皆隨  
喜。如是虛空界盡。眾生界盡。眾生業  
盡。眾生煩惱盡。我此隨喜。無有窮盡  
。念念相續。無有間斷。身語意業。無  
有疲厭。  
復次。善男子。言請轉法輪者。所有盡  
法界。虛空界。十方三世一切佛刹極微  
塵中。一一各有不可說。不可說。佛刹  
極微塵數廣大佛刹。一一刹中。念念有

不可說。不可說。佛刹極微塵數。一切  
諸佛成等正覺。一切菩薩海會圍遶。而  
我悉以身口意業。種種方便。殷勤勸請  
。轉妙法輪。如是虛空界盡。眾生界盡  
。眾生業盡。眾生煩惱盡。我常勸請一  
切諸佛。轉正法輪。無有窮盡。念念相  
續。無有間斷。身語意業。無有疲厭。  
復次。善男子。言請佛住世者。所有盡  
法界。虛空界。十方三世一切佛刹。極  
微塵數諸佛如來。將欲示現般涅槃者。

及諸菩薩聲聞緣覺。有學無學。乃至一切諸善知識。我悉勸請。莫入涅槃。經於一切佛刹極微塵數劫。爲欲利樂一切眾生。如是虛空界盡。眾生界盡。眾生業盡。眾生煩惱盡。我此勸請無有窮盡。念念相續。無有間斷。身語意業。無有疲厭。

有疲厭。

復次。善男子。言常隨佛學者。如此娑婆世界。毘盧遮那如來。從初發心。精進不退。以不可說。不可說。身命而爲

布施。剝皮爲紙。折骨爲筆。刺血爲墨。  
。書寫經典。積如須彌。爲重法故。不  
惜身命。何況王位。城邑聚落。宮殿。  
園林。一切所有。及餘種種難行苦行。  
乃至樹下成大菩提。示種種神通。起種  
種變化。現種種佛身。處種種眾會。或  
處一切諸大菩薩。眾會道場。或處聲聞  
及辟支佛。眾會道場。或處轉輪聖王。  
小王眷屬。眾會道場。或處刹利。及婆  
羅門。長者居士。眾會道場。乃至或處

天龍八部。人。非人等。眾會道場。處  
於如是種種眾會。以圓滿音。如大雷震  
。隨其樂欲。成熟眾生。乃至示現入於  
涅槃。如是一切。我皆隨學。如今世尊  
毗盧遮那。如是盡法界。虛空界。十方  
三世一切佛刹。所有塵中一切如來。皆  
亦如是。於念念中。我皆隨學。如是虛  
空界盡。眾生界盡。眾生業盡。眾生煩  
惱盡。我此隨學。無有窮盡。念念相續  
。無有間斷。身語意業無有疲厭。

復次。善男子。言恆順眾生者。謂盡法  
界。虛空界。十方刹海所有眾生。種種  
差別。所謂卵生。胎生。濕生。化生。  
或有依於地水火風而生住者。或有依空  
及諸卉木。而生住者。種種生類。種種  
色身。種種形狀。種種相貌。種種壽量  
。種種族類。種種名號。種種心性。種  
種知見。種種欲樂。種種意行。種種威  
儀。種種衣服。種種飲食。處於種種村  
營。聚落城邑。宮殿。乃至一切天龍八

部。人。非人等。無足。二足。四足。多足。有色。無色。有想。無想。非有想。非無想。如是等類。我皆於彼。隨順而轉。種種承事。種種供養。如敬父母。如奉師長。及阿羅漢。乃至如來。等無有異。於諸病苦。爲作良醫。於失道者。示其正路。於闇夜中。爲作光明。於貧窮者。令得伏藏。菩薩如是平等。饒益一切眾生。何以故。菩薩若能隨順眾生。則爲隨順供養諸佛。若於眾生。

尊重承事。則爲尊重承事如來。若令眾生歡喜者。則令一切如來歡喜。何以故。諸佛如來。以大悲心而爲體故。因於眾生。而起大悲。因於大悲生菩提心。因菩提心。成等正覺。譬如曠野沙磧之中。有大樹王。若根得水。枝葉華果。悉皆繁茂。生死曠野。菩提樹王。亦復如是。一切眾生而爲樹根。諸佛菩薩而爲華果。以大悲水。饒益眾生。則能成就諸佛菩薩智慧華果。何以故。若諸

菩薩。以大悲水饒益眾生。則能成就阿耨多羅三藐三菩提故。是故菩提屬於眾生。若無眾生。一切菩薩終不能成無上正覺。善男子。汝於此義。應如是解。以於眾生心平等故。則能成就圓滿大悲。以大悲心隨順眾生故。則能成就供養如來。菩薩如是隨順眾生。虛空界盡。眾生界盡。眾生業盡。眾生煩惱盡。我此隨順無有窮盡。念念相續。無有間斷。身語意業。無有疲厭。

復次。善男子。言普皆迴向者。從初禮拜。乃至隨順所有功德。皆悉迴向盡法界。虛空界一切眾生。願令眾生常得安樂。無諸病苦。欲行惡法。皆悉不成。所脩善業。皆速成就。關閉一切諸惡趣門。開示人天涅槃正路。若諸眾生。因其積集諸惡業故。所感一切極重苦果。我皆代受。令彼眾生。悉得解脫。究竟成就無上菩提。菩薩如是所修迴向。虛空界盡。眾生界盡。眾生業盡。眾生煩

惱盡。我此迴向無有窮盡。念念相續。無有間斷。身語意業。無有疲厭。善男子。是爲菩薩摩訶薩十種大願。具足圓滿。若諸菩薩。於此大願。隨順趣入。則能成熟一切眾生。則能隨順阿耨多羅三藐三菩提。則能成滿普賢菩薩諸行願海。是故善男子。汝於此義。應如是知。若有善男子。善女人。以滿十方無量無邊。不可說。不可說。佛刹極微塵數一切世界。上妙七寶。及諸人天最勝安

樂。布施爾所一切世界。所有眾生。供養爾所一切世界諸佛菩薩。經爾所佛刹極微塵數劫。相續不斷。所得功德。若復有人聞此願王。一經於耳。所有功德。比前功德。百分不及一。千分不及一。乃至優波尼沙陀分。亦不及一。若復有人。以深信心。於此大願。受持讀誦。乃至書寫一四句偈。速能除滅五無間業。所有世間身心等病。種種苦惱。乃至佛刹極微塵數一切惡業。皆得消除。

一切魔軍。夜叉。羅刹。若鳩槃荼。若  
毘舍闍。若部多等。飲血噉肉。諸惡鬼  
神。皆悉遠離。或時發心。親近守護。  
是故若人誦此願者。行於世間。無有障  
礙。如空中月。出於雲翳。諸佛菩薩之  
所稱讚。一切人天。皆應禮敬。一切眾  
生。悉應供養。此善男子。善得人身。  
圓滿普賢所有功德。不久當如普賢菩薩  
。速得成就微妙色身。具三十二大丈夫  
相。若生人天。所在之處。常居勝族。

悉能破壞一切惡趣。悉能遠離一切惡友。  
。悉能制伏一切外道。悉能解脫一切煩惱。  
。如師子王。摧伏羣獸。堪受一切眾生供養。  
。又復是人。臨命終時。最後剎那。  
。一切諸根悉皆散壞。一切親屬悉皆捨離。  
。一切威勢悉皆退失。輔相大臣。宮城內外。  
。象馬車乘。珍寶伏藏。如是。一切無復相隨。  
。唯此願王。不相捨離。於一切時。引導其前。  
。一剎那中。卽得往生極樂世界。到已。卽見阿彌陀佛。

文殊師利菩薩。普賢菩薩。觀自在菩薩。彌勒菩薩等。此諸菩薩色相端嚴。功德具足。所共圍遶。其人自見。生蓮華中。蒙佛授記。得授記已。經於無數百千萬億那由他劫。普於十方。不可說。不可說世界。以智慧力。隨眾生心而爲利益。不久當坐菩提道場。降伏魔軍。成等正覺。轉妙法輪。能令佛刹極微塵數世界眾生。發菩提心。隨其根性。教化成熟。乃至盡於未來劫海。廣能利益。

一切眾生。善男子。彼諸眾生。若聞若信此大願王。受持讀誦。廣爲人說。所有功德。除佛世尊。餘無知者。是故汝等聞此願王。莫生疑念。應當諦受。受已能讀。讀已能誦。誦已能持。乃至書寫。廣爲人說。是諸人等。於一念中。所有行願。皆得成就。所獲福聚。無量無邊。能於煩惱大苦海中。拔濟眾生。令其出離。皆得往生阿彌陀佛極樂世界。爾時普賢菩薩摩訶薩。欲重宣此義。

普觀十方。而說偈言。

所有十方世界中。三世一切人師子。  
我以清淨身語意。一切徧禮盡無餘。  
普賢行願威神力。普現一切如來前。  
一身復現刹塵身。一一徧禮刹塵佛。  
於一塵中塵數佛。各處菩薩眾會中。  
無盡法界塵亦然。深信諸佛皆充滿。  
各以一切音聲海。普出無盡妙言辭。  
盡於未來一切劫。讚佛甚深功德海。  
以諸最勝妙華鬘。妓樂塗香及傘蓋。

如是最勝莊嚴具。我以供養諸如來。  
最勝衣服最勝香。末香燒香與燈燭。  
一一皆如妙高聚。我悉供養諸如來。  
我以廣大勝解心。深信一切三世佛。  
悉以普賢行願力。普徧供養諸如來。  
我昔所造諸惡業。皆由無始貪恚癡。  
從身語意之所生。一切我今皆懺悔。  
十方一切諸眾生。二乘有學及無學。  
一切如來與菩薩。所有功德皆隨喜。  
十方所有世間燈。最初成就菩提者。

我今一切皆勸請。轉於無上妙法輪。  
諸佛若欲示涅槃。我悉至誠而勸請。  
唯願久住剎塵劫。利樂一切諸眾生。  
所有禮讚供養福。請佛住世轉法輪。  
隨喜懺悔諸善根。迴向眾生及佛道。  
我隨一切如來學。脩習普賢圓滿行。  
供養過去諸如來。及與現在十方佛。  
未來一切天人師。一切意樂皆圓滿。  
我願普隨三世學。速得成就大菩提。  
所有十方一切剎。廣大清淨妙莊嚴。

眾會圍遶諸如來。悉在菩提樹王下。  
十方所有諸眾生。願離憂患常安樂。  
獲得甚深正法利。滅除煩惱盡無餘。  
我爲菩提脩行時。一切趣中成宿命。  
常得出家脩淨戒。無垢無破無穿漏。  
天龍夜叉鳩槃荼。乃至人與非人等。  
所有一切眾生語。悉以諸音而說法。  
勤脩清淨波羅蜜。恆不忘失菩提心。  
滅除障垢無有餘。一切妙行皆成就。  
於諸惑業及魔境。世間道中得解脫。

猶如蓮華不著水。亦如日月不住空。  
悉除一切惡道苦。等與一切羣生樂。  
如是經於刹塵劫。十方利益恆無盡。  
我常隨順諸眾生。盡於未來一切劫。  
恆脩普賢廣大行。圓滿無上大菩提。  
所有與我同行者。於一切處同集會。  
身口意業皆同等。一切行願同脩學。  
所有益我善知識。爲我顯示普賢行。  
常願與我同集會。於我常生歡喜心。  
願常面見諸如來。及諸佛子眾圍遶。

於彼皆興廣大供。盡未來劫無疲厭。  
願持諸佛微妙法。光顯一切菩提行。  
究竟清淨普賢道。盡未來劫常脩習。  
我於一切諸有中。所脩福智恆無盡。  
定慧方便及解脫。獲諸無盡功德藏。  
一塵中有塵數刹。一一刹有難思佛。  
一一佛處眾會中。我見恆演菩提行。  
普盡十方諸刹海。一一毛端三世海。  
佛海及與國土海。我徧脩行經劫海。  
一切如來語清淨。一言具眾音聲海。

隨諸眾生意樂音。一一流佛辯才海。  
三世一切諸如來。於彼無盡語言海。  
恆轉理趣妙法輪。我深智力普能入。  
我能深入於未來。盡一切劫爲一念。  
三世所有一切劫。爲一念際我皆入。  
我於一念見三世。所有一切人師子。  
亦常入佛境界中。如幻解脫及威力。  
於一毛端極微中。出現三世莊嚴刹。  
十方塵刹諸毛端。我皆深入而嚴淨。  
所有未來照世燈。成道轉法悟羣有。

究竟佛事示涅槃。我皆往詣而親近。  
速疾周徧神通力。普門徧入大乘力。  
智行普脩功德力。威神普覆大慈力。  
徧淨莊嚴勝福力。無著無依智慧力。  
定慧方便威神力。普能積集菩提力。  
清淨一切善業力。摧滅一切煩惱力。  
降伏一切諸魔力。圓滿普賢諸行力。  
普能嚴淨諸刹海。解脫一切眾生海。  
善能分別諸法海。能甚深入智慧海。  
普能清淨諸行海。圓滿一切諸願海。

親近供養諸佛海。脩行無倦經劫海。  
三世一切諸如來。最勝菩提諸行願。  
我皆供養圓滿脩。以普賢行悟菩提。  
一切如來有長子。彼名號曰普賢尊。  
我今迴向諸善根。願諸智行悉同彼。  
願身口意恆清淨。諸行刹土亦復然。  
如是智慧號普賢。願我與彼皆同等。  
我爲徧淨普賢行。文殊師利諸大願。  
滿彼事業盡無餘。未來際劫恆無倦。  
我所脩行無有量。獲得無量諸功德。

安住無量諸行中。了達一切神通力。  
文殊師利勇猛智。普賢慧行亦復然。  
我今迴向諸善根。隨彼一切常脩學。  
三世諸佛所稱歎。如是最勝諸大願。  
我今迴向諸善根。爲得普賢殊勝行。  
願我臨欲命終時。盡除一切諸障礙。  
面見彼佛阿彌陀。卽得往生安樂刹。  
我旣往生彼國已。現前成就此大願。  
一切圓滿盡無餘。利樂一切眾生界。  
彼佛眾會咸清淨。我時於勝蓮華生。

親覩如來無量光。現前授我菩提記。  
蒙彼如來授記已。化身無數百俱胝。  
智力廣大徧十方。普利一切眾生界。  
乃至虛空世界盡。眾生及業煩惱盡。  
如是一切無盡時。我願究竟恆無盡。  
十方所有無邊刹。莊嚴眾寶供如來。  
最勝安樂施天人。經一切刹微塵劫。  
若人於此勝願王。一經於耳能生信。  
求勝菩提心渴仰。獲勝功德過於彼。  
卽常遠離惡知識。永離一切諸惡道。

速見如來無量光。具此普賢最勝願。  
此人善得勝壽命。此人善來人中生。  
此人不久當成就。如彼普賢菩薩行。  
往昔由無智慧力。所造極惡五無間。  
誦此普賢大願王。一念速疾皆銷滅。  
族姓種類及容色。相好智慧咸圓滿。  
諸魔外道不能摧。堪爲三界所應供。  
速詣菩提大樹王。坐已降伏諸魔眾。  
成等正覺轉法輪。普利一切諸含識。  
若人於此普賢願。讀誦受持及演說。

果報唯佛能證知。決定獲勝菩提道。  
若人誦此普賢願。我說少分之善根。  
一念一切悉皆圓。成就眾生清淨願。  
我此普賢殊勝行。無邊勝福皆迴向。  
普願沈溺諸眾生。速往無量光佛刹。  
爾時普賢菩薩摩訶薩。於如來前。說此  
普賢廣大願王清淨偈已。善財童子踊躍  
無量。一切菩薩。皆大歡喜。如來讚言  
。善哉善哉。  
爾時世尊。與諸聖者菩薩摩訶薩。演說

如是不可思議解脫境界勝法門時。文殊  
師利菩薩而爲上首。諸大菩薩。及所成  
熟六千比丘。彌勒菩薩而爲上首。賢劫  
一切諸大菩薩。無垢普賢菩薩而爲上首  
。一生補處。住灌頂位諸大菩薩。及餘  
十方種種世界。普來集會。一切剎海。  
極微塵數諸菩薩摩訶薩眾。大智舍利弗  
。摩訶目犍連等。而爲上首。諸大聲聞  
。并諸人天一切世主。天。龍。夜叉。  
乾闥婆。阿脩羅。迦樓羅。緊那羅。摩

睺羅伽。人。非人等。一切大眾。聞佛所說。皆大歡喜。信受奉行。

讚

普賢行願。功德周圓。普資恩有利人天。  
。福壽廣增延。滅罪無邊。同願禮金  
仙。

南無普賢菩薩摩訶薩三稱

大方廣佛華嚴經普賢行願品

供佛儀規

(一) 香讚

爐香乍熱 法界蒙熏 諸佛海會悉

遙聞 隨處結祥雲 誠意方殷 諸

佛現全身

南無香雲蓋菩薩摩訶薩 (三稱)

(稱佛號)

南無靈山會上佛菩薩 (三稱)

南無常住十方佛 (三稱)

南無常住十方方法 (三稱)

南無常住十方僧（三稱）

南無本師釋迦牟尼佛（三稱）

南無消災延壽藥師佛（三稱）

南無極樂世界阿彌陀佛（三稱）

南無當下生彌勒尊佛（三稱）

南無十方三世一切諸佛（三稱）

南無大智文殊師利菩薩（三稱）

南無大行普賢菩薩（三稱）

南無大願地藏王菩薩（三稱）

南無大悲觀世音菩薩（三稱）

南無大勢至菩薩（三稱）

南無清淨大海衆菩薩（三稱）

南無護法韋馱尊天菩薩（三稱）

南無護法諸天菩薩（三稱）

南無伽藍聖衆菩薩（三稱）

南無歷代祖師菩薩（三稱）

南無大聖緊那羅王菩薩（三稱）

（三）變食真言三遍

曩謨薩縛怛他誡多縛嚧枳帝。唵。

三跋囉。三跋囉吽。

(四) 甘露水真言三遍

曩謨蘇嚕婆耶。怛他誡多耶。怛姪  
他。唵蘇嚕。蘇嚕鉢囉蘇嚕。鉢囉  
蘇嚕。娑婆訶。  
此食色香味。上供十方佛。中奉諸  
賢聖。下及六道品。等施無差別。  
隨願皆飽滿。令今施者得。無量波  
羅蜜。三德六味。供佛及僧。法界  
有情。普同供養。

(五) 普供養真言三遍

唵。誡。誡。曩。○。三。婆。縛。○。伐。日。囉。斛。○。

(六) 唱讚

天。廚。妙。供。○。禪。悅。酥。酤。○。戶。唵。蘇。嚕。薩。  
哩。縛。○。怛。他。誡。多。○。怛。你。也。他。○。蘇。嚕。  
娑。縛。訶。

南。無。○。禪。悅。藏。菩。薩。摩。訶。薩。○。摩。訶。般。  
若。○。波。羅。密。○。

敬印

金剛般若波羅蜜經 · 佛說阿彌陀經  
觀世音菩薩普門品 · 普賢菩薩行願品

伍佰本贈送結緣

眾佛弟子

- \*願以此印經功德\*
- \*迴向出資見聞者\*
- \*疾苦災難悉消除\*
- \*諸事如意福慧增\*



願以此功德莊嚴佛淨土  
 上報四重恩  
 下濟三途苦  
 若有見聞者  
 悉發菩提心  
 盡此一報身  
 同生極樂國  
 願消三障諸煩惱  
 願得智慧真明了  
 普願罪障悉消除  
 世常行菩薩道

經 品  
 蜜 門 願  
 羅 陀 普 行  
 波 彌 薩 薩  
 若 阿 菩 薩  
 般 說 音 菩  
 剛 佛 世 賢  
 金 觀 普

西曆二零一三年佛曆二五五七年  
 歲次癸巳年

敬印者：眾 佛 弟 子

承印者：興 亞 印 刷 公 司

地址：香港柴灣豐業街二號楊耀松  
 第七工業大廈十一字樓E座

電話：二八九九四四  
 傳真：二五五七六八四一